



OSTARIIS ANTIGHIS A CIVIDÂT USANCIS E AVENTÔRS

Te culture e te tradizion dal Friûl une pagine di storie la àn dal sigûr jemplade lis ostariis. Lûcs che a vevin une funzion di agregazion sociâl impuartante e che a ricalcavin il ferment di une vite vivarose che si concentrave so redut tes placis e tai marcjâts che a clamavin dongje int di ogni lûc.

Par capî cetantis ostariis che a jerin te nestre piçule citadine, bisugne tornâ une vore indaûr tal timp...

Une volte, a Cividât, lis buteghis artesanis no si contavin: barbîrs, cjaliârs, bandârs, marangons, di grues e di fin, muradôrs, sielârs, pitôrs, sartôrs, faris preseâts e ancjemò altris. Cence contâ i buteghîrs, cui zovins a imparâ il mistûr. E massime in chei borcs, là che il marcjât al leve slargjantsi, come in Borc di Puint o Borc Sant Zuan che a vevin placis di buine tignince, lis ostariis a jerin di plui. In sumis, ogni borc al podeve dâ di vivi a lis ostariis che si cjatavin ali.

La int lis frecuentave vultîr parcè che i prodots in vendite a jerin a bon marcjât, a jerin bogns e gjenuins, lis ustiriis a jerin bielis e a vevin tante buine gracie tal siervî. E po dopo no si beveve dome un taiut, ma si zuiave ancje a cjartis e a biliart. Di fat, ancje se i oraris di lavôr a jerin plui luncs di cumò, la int a cjatave il timp par discjolisì stant in buine compagnie.

Par legjitimâ il numar des ostariis, che al pues someâ insolit rispjet ai cividins residents o scugnìn considerâ altris fatôrs. O vin za viodût la impuartance dai borcs, che in gracie di buteghis di artesanis, negozis e in gracie dai marcjâts, a fasevin rivâ clients e vendidôrs dai paîs dulintor,

